



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/01-04-10266-24/25
Sarajevo, 11.04.2025. godine

Bosna i Hercegovina
Federacija Bosne i Hercegovine
Kanton Sarajevo
SKUPŠTINA KANTONA SARAJEVO
n/r sekretara Skupština Kantona Sarajevo

Predmet: Odgovor na dostavljenu zastupničku inicijativu upućenu na 21. radnoj sjednici
Skupštine Kantona Sarajevo, *dostavlja se*

Veza – Vaš akt, broj: 01-04-10266-7/25 od 28.03.2025. godine

Poštovani,

u Ministarstvu za odgoj i obrazovanje Kantona Sarajevo (u daljem tekstu: Ministarstvo) dana 03.04.2025. godine zaprimljena je zastupnička inicijativa zastupnice Marijele Hašimbegović, sa obrazloženjem podnošenja iste, upućena na 21. radnoj sjednici Skupštine Kantona Sarajevo kako slijedi, citiramo:

„Upućujem inicijativu da se Zaključak broj: 02-04-52343-20/23 od 15.12.2023. godine kojeg je donijela Vlada KS stavi van snage jer nije valjan i u suprotnosti je sa sudskom praksom.“

Postupajući po predmetnoj inicijativi, obavještavamo Vas da je Ministarstvo ranije za Vladu Kantona Sarajevo pripremlilo Informaciju u vezi sa situacijom u Javnoj ustanovi Osnovna muzička škola Ilidža u odnosu na Zahtjev Bajraktarević Mehmeda, broj: 11-05/02-34-24729-23/23 od 06.12.2023. godine, u kojoj je navedeno sljedeće: *„Kantonalni sud u Sarajevu, rješavajući u pravnoj stvari tužitelja Bajraktarević Mehmeda iz Sarajeva, koga zastupa Zoran Jovanović, advokat iz Pala, protiv tužene Javne ustanove Osnovna muzička škola Ilidža, zastupane po Nezirić Sanelu, advokatu iz Sarajeva, radi potraživanja iz radnog odnosa, odlučujući po žalbi tužitelja na presudu Općinskog suda u Sarajevu, broj: 65 0 Rs 541465 15 Rs od 15.11.2017. godine, donio je Presudu, broj: 65 0 Rs 541465 18 Rsž od 15.06.2021. godine, u kojoj je stavom I dispozitiva utvrđeno da se žalba pomoćnika tužitelja uvažava u dijelu stava I dispozitiva Presude Općinskog suda u Sarajevu, broj: 65 0 Rs 541465 15 Rs od 15.11.2017. godine, te da se u tom dijelu prvostepena presuda ukida i spis predmeta vraća prvostepenom sudu na ponovni postupak. S tim u vezi, Općinski sud u Sarajevu je donio Presudu, broj: 65 0 Rs 541465 22 Rs 2 od 22.12.2022. godine, kojom se utvrđuje da je upis podatka učinjen od strane tužene Javne ustanove Osnovna muzička škola Ilidža u radnu knjižicu tužitelja, serijski broj AA0033222 i registarski broj 2382/96*

na strani 12. i 13. o datumu prestanka radnog donosa tužioca 27.09.2012. godine i 21.06.2013. godine ništav i ne proizvodi pravno dejstvo, te se nalaže tužiocu da nadoknadi troškove postupka u iznosu od 2.450,00 KM, sve u roku od 15 dana pod prijetnjom izvršenjem (Presuda je pravosnažna i izvršna). Presuda Kantonalnog suda u Sarajevu, broj: 65 0 Rs 541465 15 Rs od 15.11.2017. godine, pravosnažna je u stavu II, kojom se žalba punomoćnika tužitelja uvažava u dijelu st. II i III izreke, a prvostepena presuda u tom dijelu preinačava i sudi kako slijedi:

„Utvrdjuje se da tužitelju Bajraktarević Mehmedu istekom mandata direktora škole 20.09.2014. godine i nakon toga nije prestao radni odnos kod tužene JU Osnovna muzička škola Ilidža.“

U pomenutoj Informaciji je dalje navedeno da je, prema službenoj evidenciji koja se vodi u Ministarstvu, Javna ustanova Osnovna muzička škola Ilidža već bila poduzela određene aktivnosti u vezi s navedenim. Naime, na zahtjev Javne ustanove Osnovna muzička škola Ilidža, kojim je traženo uputstvo za postupanje u vezi poništenja odjave iz radnog odnosa Bajraktarević Mehmeda, a na osnovu pravosnažne i izvršne presude Općinskog suda u Sarajevu, broj: 65 0 Rs 541465 22 Rs 2 od 22.12.2022. godine, iz Kantonalnog poreznog ureda Sarajevo - Porezna ispostava Ilidža, dostavljen je Školi akt, broj: 13-9/5-12-45-5765-1/23 od 17.04.2023. godine, u kojem se navodi da je izvršen uvid u službene evidencije koje se vode u poreznoj ispostavi Ilidža kao i Jedinstveni sistem registracije, kontrole i naplate doprinosa. Obzirom da je navedenom presudom, koja je konačna i izvršna, presuđeno da je prestanak rada osiguranika Bajraktarević Mehmeda ništav i ne proizvodi pravno dejstvo, imenovani organ od Škole je tražio dostavljanje potrebnih podataka te dao upute za postupanje, kako bi se poduzele dalje aktivnosti s ciljem izvršenja predmetne presude.

Nadalje, Ministarstvo za odgoj i obrazovanje Kantona Sarajevo je, u međuvremenu, poduzelo određene radnje s ciljem pribavljanja informacija i rješavanja predmetne situacije, kako slijedi:

1. Federalnom zavodu za penzijsko i invalidsko osiguranje – Ured Sarajevo upućen je akt, broj: 11-05/02-30-24729-17/23 od 31.05.2023. godine, u kojem se dostavlja informacija o zaprimljenoj Presudi Općinskog suda u Sarajevu, broj: 65 0 Rs 919237 21 Rs od 31.01.2023. godine, kojom se obavezuje tužena Javna ustanova Osnovna muzička škola Ilidža da tužiocu Bajraktarević Mehmedu na ime naknade neisplaćenih plaća za period od 12.07.2017. godine do 10.10.2022. godine isplati iznos od 82.415,58 KM sa zakonskom zateznom kamatom taksativno pobrojanom u Presudi, kao i da u korist tužioca Federalnom zavodu za penzijsko i invalidsko osiguranje uplati iznos od ukupno 30.521,24 KM na ime doprinosa za penzijsko i invalidsko osiguranje za navedeni vremenski period. U aktu je naglašeno da navedena presuda nije pravosnažna, ali očekivana je presuda nadležnog suda u Sarajevu kojim se nalaže tuženoj da imenovanom isplati plaće, zakonske zatezne kamate, doprinose Federalnom zavodu za penzijsko i invalidsko osiguranje, kao i troškove postupka, imajući u vidu ranije donesenu presudu kojom je utvrđeno da imenovanom nije prestao radni odnos. Aktom se traži dostavljanje informacije da li Javna ustanova Osnovna muzička škola Ilidža može izvršiti prijavu i odjavu imenovanog iz sistema Federalnog zavoda za penzijsko i invalidsko osiguranje za vremenski period naznačen u navedenoj presudi, odnosno za period od 12.07.2017. do 10.10.2022. godine. Nakon toga bi bilo potrebno donijeti Rješenje o penzionisanju imenovanog, obzirom da je Mehmed Bajraktarević u naznačenom vremenskom periodu stekao uslove za penzionisanje.

2. Iz Federalnog zavoda za penzijsko i invalidsko osiguranje – Kantonalna administrativna služba Sarajevo dostavljena je Obavijest, broj: FZ12/2/2-31-7-3690-2/23 od 19.06.2023. godine, u kojoj se navodi da se, u skladu sa odredbama Zakona o jedinstvenom sistemu registracije, kontrole i naplate doprinosa („Službene novine Federacije BiH“, br. 42/09 i 109/12), prijave, odjave i promjene u toku osiguranja podnose Poreznoj upravi Federacije Bosne i Hercegovine.


3. Postupajući prema uputi Federalnog zavoda za penzijsko i invalidsko osiguranje – Kantonalna administrativna služba Sarajevo, Ministarstvo se obratilo Poreznoj upravi Federacije Bosne i Hercegovine aktom, broj: 11-05/02-30-24729-19/23 od 14.09.2023. godine.

4. Porezna uprava Federacije Bosne i Hercegovine dostavila je Odgovor, broj: 13/12-2-12-46-65-127/23 ABŠ od 29.09.2023. godine, u kojem se navodi da je Javna ustanova Osnovna muzička škola Ilidža po navedenoj presudi dužna sprovesti uspostavu radno-pravnog statusa za Bajraktarević Mehmeda na način da je dužna podnijeti nadležnoj obrazac JS 3100 – prijava u nadležnoj ispostavi za period naveden u presudi, uz koju će dostaviti i drugu raspoloživu dokumentaciju, zatim obrazložiti retroaktivnu prijavu zaposlenika (presuda Općinskog suda, Kantonalnog suda itd.). Također, u aktu je dalje navedeno da je potrebno da Javna ustanova Osnovna muzička škola Ilidža podnese zakonom propisane obrasce (PMIP-1024) za Bajraktarević Mehmeda, za sve mjesece i osim doprinosa za PIO, izvrši uplatu doprinosa za zdravstveno osiguranje i osiguranje od nezaposlenosti, poreza na dohodak, kako bi se obrasci mogli dostaviti nadležnim fondovima i dostaviti izmijenjene Specifikacije 2001, s ciljem provođenja presuda u cjelosti.

Imajući u vidu da je pravosnažnom i izvršnom presudom Kantonalnog suda u Sarajevu, broj: 65 0 Rs 541465 18 Rsž od 15.06.2021. godine, utvrđeno da imenovanom nije prestao radni odnos (iscrpljeni su redovni i vanredni pravni lijekovi), nakon razmatranja dostavljenog materijala Vlada Kantona Sarajevo je donijela Zaključak, broj: 02-04-52343-20/23 od 15.12.2023. godine kojim se prihvata navedena Informacija Ministarstva. Tačkom 2. ovog zaključka naloženo je Javnoj ustanovi Osnovna muzička škola Ilidža da odmah uspostavi radni odnos za Bajraktarević Mehmeda i izvrši potrebne radnje prijave imenovanog u sistem Porezne uprave Federacije Bosne i Hercegovine, kako je naznačeno u pravosnažnoj presudi Kantonalnog suda u Sarajevu, broj: 65 0 Rs 541465 18 Rsž od 15.06.2021. godine.

Imajući u vidu sve naprijed navedeno, Ministarstvo za odgoj i obrazovanje Kantona Sarajevo će nastaviti i dalje aktivno poduzimati radnje u cilju okončanja situacije u Javnoj ustanovi Osnovna muzička škola Ilidža, uz napomenu da je u skladu sa odredbama Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24) regulisanje radno-pravnog statusa radnika u isključivoj nadležnosti uprave škole.

S poštovanjem,



Dostaviti:

1. Naslovu;
2. Evidenciji;
3. Arhivi.